

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 133. stav 2. Poslovnika Skupštine Zeničko-dobojskog kantona-Novi prečišćeni tekst („Službene novine Zeničko-dobojskog kantona“, broj: 7/12), Vlada Zeničko-dobojskog kantona, na 5. vanrednoj sjednici, održanoj telefonskim putem dana 06.12.2012. godine, d o n o s i

ZAKLJUČAK

I.

Vlada Zeničko-dobojskog kantona utvrđuje Amandmane I., II., III. i IV. na Prijedlog Zakona o dopuni Zakona o izvršavanju Budžeta Zeničko-dobojskog kantona za 2012. godinu, koji glase:

„AMANDMAN I.

Naziv Prijedloga Zakona o dopuni Zakona o izvršavanju Budžeta Zeničko-dobojskog kantona za 2012. godinu, mijenja se i glasi: „Prijedlog Zakona o izmjenama i dopunama Zakona o izvršavanju Budžeta Zeničko-dobojskog kantona za 2012. godinu“

AMANDMAN II.

Dodaje se novi član 1. Prijedloga Zakona, koji glasi:

„Član 1. (Izmjena člana 21.).

Član 21. Zakona mijenja se i glasi:

„Član 21.

(Transfer Skupštine Kantona)

(1) Sredstva utvrđena u razdjelu 10, budžetska organizacija 01, potrošačka jedinica 0001 – Skupština Kantona, Pozicija “Tekući transfer za finansiranje političkih stranaka, koalicija političkih stranaka i nezavisnih poslanika”, rasporedit će se na način da se:

- a) 30% sredstava dijeli jednako svim političkim strankama, odnosno koalicijama političkih stranaka, koje su osvojile mandate,
- b) 60% sredstava dijeli prema broju poslaničkih mandata, koje svaka politička stranka, koalicija političkih stranaka, odnosno nezavisni kandidat ima u trenutku dodjele mandata, i
- c) 10% od ukupnog iznosa raspoređuje parlamentarnim grupama srazmjerno broju poslaničkih mjesta koja pripadaju manje zastupljenom spolu.

(2) Članovi koalicije političkih stranaka učestvuju u raspodjeli sredstava iz stava (3) ovog člana na osnovu sporazuma za raspodjelu novčanih sredstava, koji je deponiran u Centralnoj izbornoj komisiji Bosne i Hercegovini, a ako takav sporazum ne postoji, sredstva se raspoređuju između članica koalicije političkih stranaka prema broju dobivenih mandata.

(3) Parlamentarne grupe, odnosno klubovi poslanika i nezavisni kandidati u Skupštini Zeničko-dobojskog kantona učestvuju u raspodjeli sredstava iz stava (1) ovog člana prema broju poslaničkih mandata u Skupštini Zeničko-dobojskog kantona.

(4) Nadležno radno tijelo Skupštine Zeničko-dobojskog kantona će svojim aktima detaljnije regulirati raspodjelu sredstava iz ovog člana, kontrolu trošenja i druga finansijska pitanja u vezi s provođenjem ovog zakona.

(5) Raspodjela sredstava za finansiranje političkih stranaka, koalicija političkih stranaka i nezavisnih poslanika zastupljenih u Skupštini Kantona, vršit će se u skladu sa odredbama Zakona o finansiranju političkih stranaka ("Službeni glasnik BiH" broj: 95/12), u jednakim mjesečnim obrocima, a na osnovu Odluke o raspodjeli sredstava koju donosi Vlada Kantona, na prijedlog Stručne službe Skupštine Kantona, mjesečno početkom svakog narednog mjeseca za protekli mjesec.

(5) Sredstva utvrđena u razdjelu 10, budžetska organizacija 01, potrošačka jedinica 0001-Skupština Kantona, pozicija "Tekući transfer pojedincima" i pozicija "Tekući transfer neprofitnim organizacijama", koristit će se prema programima utroška koje donosi Predsjedavajući Skupštine Kantona."

Dosadašnji član 1. Prijedloga Zakona postaje član 2.

AMANDMAN III

Iza novog člana 2. Prijedloga Zakona, dodaje se novi član 3., koji glasi:

„Član 3.

(Izmjena člana 49.)

U članu 49. stav (2) Zakona, iza riječi „stav“, broj „3“ u zagradi zamjenjuje se brojem „5“.

AMANDMAN IV.

Dosadašnji član 2. Prijedloga Zakona o dopuni Zakona o izvršavanju Budžeta Zeničko-dobojskog kantona za 2012. godinu, postaje član 4."

II

Zaključak sa obrazloženjem u kome su sadržani razlozi zbog kojih se utvrđuju podneseni amandmani upućuje se u dalju skupštinsku proceduru.

III

Zaključak stupa na snagu dana 05.12.2012. godine.

Broj: 02-_____/12.

Datum, 06.12.2012. godine

Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo finansija,
1x Stručna služba Skupštine,
1x a/a.

O B R A Z L O Ž E N J E

I. PRAVNI OSNOV:

Pravni osnov sadržan je u članu 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10) i u članu 133. stav 2. Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj: 7/12).

II. RAZLOZI ZA UTVRĐIVANJE:

AMANDMAN I.

Zbog dodavanja izmjena i dopuna u Zakonu o izvršavanju Budžeta Zeničko-dobojskog kantona za 2012. godinu, putem Amandman II. i III, mijenja se naziv Prijedloga Zakona u Zakon o izmjenama i dopunama Zakona o izvršavanju Budžeta Zeničko-dobojskog kantona za 2012. godinu.

AMANDMAN II.

Dana 27.11.2012. godine je objavljen Zakon o finansiranju političkih stranaka (“Službeni glasnik BiH” broj: 95/12), koji u članu 7. na nešto drugačiji način uređuje pitanje finansiranja političkih stranaka, koalicija političkih stranaka i nezavisnih poslanika, u odnosu na član 21. Zakona o izvršavanju Budžeta Zeničko-dobojskog kantona za 2012. godinu.

S obzirom da Zakon o finansiranju političkih stranaka (“Službeni glasnik BiH” broj: 95/12), stupa na snagu 05.12.2012. godine, odnosno jedan dan prije održavanja sjednice Skupštine Zeničko-dobojskog kantona na kojoj je planirano razmatranje Prijedloga Zakona o dopunu Zakona o izvršavanju Budžeta Zeničko-dobojskog kantona za 2012. godinu, predlaže se Amandman II., kojim se mijenja član 21. dopuni Zakona o izvršavanju Budžeta Zeničko-dobojskog kantona za 2012. godinu.

AMANDMAN III

Ovim amandmanom ispravlja se ranije načinjena tehnička greška u numeraciji stava navedenog u članu 49. stav (2) Zakona o izvršavanju Budžeta Zeničko-dobojskog kantona za 2012. godinu.

AMANDMAN IV.

Zbog dodavanja novih članova u Prijedloga Zakona, dosadašnji član 2. postaje član 4.